

PELAJAR 19

SEREGA

“Bepikir dulu sebedau bejaku, anang beguai ngaga semaya ba mua Allah Taala. Laban Allah Taala di Serega lalu kitai di dunya, nya alai anang nyebut utai lebih ari patut...Tang kita enda tau enda agi nangi ka Allah Taala.” (Pengajar 5:2,7b).

A. NAMA UTAI TI DIKUMBAI SEREGA?

1. Serega Ianya Endur Tuhan Diau.

“Kati Allah Taala enda diau ari atas langit lalu malik ka baruh meda bintang, taja sida tinggi bendar?” (Job 22:12). Pedana mega ba Ulang Adat 26:15.

2. Serega Ianya Palan Tuhan Nuduk Ka Kerusi Rajah

“Tuhan nuduk ka kerusi rajah iya di Serega; Iya rajah semua mensia.” (Masmor 103:19). Pedana mega Isaiah 66:1.

3. Serega Ianya Tempat Ti Penuh Mulia Tuhan

“Lebuh aku agi mengkang ngemata ka utai nya, dia aku lalu meda mayuh bendar kerusi rajah bedijir-dijir. Siko ti endang idup belama duduk ba siti ari kerusi nya. Pekayan Iya burak terus baka seleju lalu bok Iya baka bulu jelu. Kerusi ti endur Iya duduk diengkah atas kaki kerita ti beapi-api. Api ti mau sereta nyelar pansut ari kaki kerusi Iya. Beribu-ribu iko orang di endur nya betuai ka Iya, lalu bejuta iko berdiri di mua Iya. Kot berengkah muka pechara lalu bup mayuh bendar dibuka.” (Daniel 7:9,10). Pedana mega SPKR 7:55.

4. Serega Ianya Rumah Orang Ti Bendar (Arap) Ti Udah Mati.

“Laban kami nemu lebuh langkau kain ti endur kitai diau-ia nya tubuh kitai di dunya tu-dirubuh, Allah Taala deka meri ka kitai rumah di serega, rumah ti udah digaga Iya empu, ti deka meruan belama-lama.” (2 Korint 5:1).

5. Serega Ianya Rumah Ti Disadang Semua Orang Ti Arap.

“Udah nya aku meda bisi mayuh bendar orang betugung-nadai siko orang ulih nesa pemayuh sida nya! Sida datai ari genap bengkah menua, raban bansa enggau leman bansa jaku; lalu sida berdiri ba mua penuduk enggau Anak Domba, begari ngena baju panjai burak sereta megai pating engkerema ba jari sida. Sida ngangau enggau nyawa ti inggar: “Pengelepas datai ari Allah Taala kitai, Iya ti duduk atas penuduk, enggau ari Anak Domba!” (Pemandang 7:9-10).

B. GAYA MENUA SEREGA

Serega ianya endur ti enda ulih diperagam ka kitai. (1 Korint 2:9; 13:12). Serega ianya tempat ti tuchi, penuh ulih mulia enggau nadai pengujung. Tang taja pia Bup Kudus enda nerang ka enggau silik bakani serega nya. Bup Kudus semina meri beberapa iti penerang kena nunjuk ka bakani gaya serega baka ba baruh tu:

1. Siti Palan Penuh Enggau Mulia.

“Udah nya orang lurus deka perenching baka panchar mata panas dalam Perintah Apai sida. Dinga ka ulih kita, enti kita bisi pending!” (Matthew 13:43).

2. Palan Endur Besembah Belama-ia.

Udah nya aku ninga nyawa ti inggar, mimpi surak nyawa orang mayuh di serega. Ko sida, "Alleluia! Pengelepas, basa, enggau kuasa endang enggi Allah Taala kitai! Ukum iya endang amat sereta lurus! Iya udah ngukum indu sundal ti udah ngamah ka dunya ngena pengawa bambai. Allah Taala ngukum iya laban iya udah munuh anembiak Allah Taala." Sekali agi sida ngangau, Alleluia! Nyadi asap ti makai nengeri ti besai nya mengkang melelap datai ka belama-lama ia!" Dua puluh empat iko sida ti nyadi tuai enggau empat iko utai idup ngenduk ka diri lalu nyembah Allah Taala, ti duduk atas penuduk iya. Ko sida, "Amin! Alleluia!" Nyadi bisi nyawa didinga ari penuduk nya munyi tu: "Puji ka Allah Taala! Semua sida ti anembiak iya enggau semua sida ti nangi ka iya, besai enggau mit, sida ti nyembah iya!" Udah nya aku ninga nyawa ti inggar, munyi surak nyawa orang mayuh, munyi panchur wong, munyi guntur. Aku ninga sida bejaku, "Alleluia! Laban Tuhan, Allah Taala kitai ti Pemadu Bekuasa, nya Rajah! (Pemandang 19:1-6). Pedas mega Rome 5:11-12.

3. Palan Ti Meruan.

"Ngena jalai nya kita deka diberi kuasa penuh tama ka dalam Perintah Tuhan Yesus Kristus, Pengelepas kitai ti nadai pemadu." (2 Peter 1:11). Pedas mega 1 Peter 1:4.

4. Palan Ti Nadai Kamah Ulih Penyalah.

"Tang nadai utai ti enda tuchi deka tama nengeri nya, nadai mega orang ti ngereja utai ngasuh malu, tauka nusi ti bula tau masuk kia. Semina sida ti bisi nama ditulis dalam bup Anak Domba, iya nya Bup Pengidup, deka tama ka dalam nengeri nya." (Pemandang 21:27). Pedas mega ba Epesus 5:5.

Surat Pemandang ngambar ka Jerusalem Baru, ti nurun ari Serega, tempat ti nadai:

- a. Malam
- b. Sumpah
- c. Penyakit
- d. Sabak, Tusah ati
- e. Pemati

Semua utai tu (lima gaya gamal Serega) laban gamal ari Serega ti berepun ari gaya Tuhan. Laban Serega penuh enggau pemandang ari pendiau pemisi Tuhan, ngambi ka chuntu bakani Tuhan nya. Serega siti tempat ti tuchi, penuh ulih mulia Tuhan enggau tempat ti nadai pengujung.

C. KAUL KITAI ENGGAU SEREGA.

Kitai orang ti arap, diatu kitai idup begulai sejalai enggau perintah serega, laban:

1. Dia Meh Menua Endur Kitai.

"Tang kita udah datai ngagai Bukit Sion enggau ngagai nengeri Allah Taala ti idup, Jerusalem ti baka serega, ti bisi beribu-ribu iko melikat ti begempuru enggau gaga ati. Kita udah datai ngagai endur sida anak tuai eklisia Allah Taala begempuru, sida ti bisi nama udah ditulis di serega." (Hebrew 12:22-23a). Pedas mega ba Pilipi 3:20.

2. **Dia Meh Kitai Diduduk Ka Ba Atas Kerusi Pengasih Iya.**
 “Ulih penyerakup kitai enggau Jesus Kristus, Iya ngangkat ka kitai enggau Iya, lalu kitai endang merintah enggau Iya di Serega.” (Epesus 2:6).
3. **Dia Meh Penatai Pengidup Kitai**
 “Awak ka kitai meri terima kasih ngagai Allah Taala, ti Apai Jesus Kristus Tuhan Kitai! Ketegal kaul kitai enggau Kristus, Iya udah merikat ka kitai ulih meri ka kitai semua berekat Roh Kudus ari perintah iya di serega.” (Epesus 1:3). Pedana meka Kolosi 3:1-4.
4. **Dia Meh Nama Kitai Ditulis.**
 “Tang anang kita gaga ati laban bala antu udah ngasi ka kita, tang kita patut gaga ati laban nama kita udah ditulis dalam serega.” (Luke 10:20). Pedana meka ba Hebrew 12:23.
5. **Kami Uдах Dianjung Ulih Iya Ti Diau Dia.**
 “Baka aku ti ukai enggi dunya, baka nya meka sida ukai enggi dunya. Aku ngasuh sida datai ka dunya tu baka nuan ti udah ngasuh aku datai ka dunya tu.” (John 17:16,18). Pedana meka ba 2 Korint 3:20.
6. **Dia Meh Kitai Numpuka Pengidup Kitai.**
 “Lalu penusah ti mit sereta enda lama di asai ka kami tu deka meri ka kami mulia ti besai agi sereta meruan belama, lebih agi besai ari penusah. Laban kami ukai belemati ka utai ti dipeda, tang ba utai ti enda dipeda. Utai ti dipeda enda tan lama, tang utai ti enda dipeda deka meruan belama-lama.” (2 Korint 4:17,18). Pedana meka ba Hebrew 11:9,10,14-16.
7. **Dia Meh Reta Pengaya Kitai.**
 “Awak ka kitai meri terima kasih ngagai Allah Taala ti Apai Tuhan kitai Jesus Kristus! Laban penyinu iya ti besai iya ngada ka kitai baru, ulih pengangkat Jesus Kristus ari mati ngagai pengidup ti penuh pengadang ti meruan. Nya alai kitai arap ka diri deka nyambut berekat ti digalau Allah Taala ka nemiak iya di serega, endur sida enda tau betegar, tauka jai tauka lenyau.” (1 Peter 1:3,4). Pedana meka ba Mathew 6:19-21.
8. **Kitai Uдах Dikangau Ke Serega.**
 “Menyadi, aku endang enda ngumbai diri udah bulih upah nya; siti utai ti digaga aku, iya nya aku enda agi ingat ka utai ti udah lepas, tang nguji enggau naka ulih nyuluk utai ti deka datai. Nya alai aku belanda terus nuju adan ngambi ka tau bulih upah, iya nya kangau Allah Taala ulih Jesus Kristus ngagai pengidup meruan di Serega.” (Pilipi 3:13,14).

Jesus empu sebedau iya niki ke serega, bejanji ngagai orang ti arap:

Ko Jesus madah ngagai sida, “Anang ati kita irau sereta tusah. Arap ka Allah Taala, lalu arap meka ka aku. Dalam rumah Apai aku mayuh bilik endur diau, lalu aku deka nyendia ka endur alai kita. Aku enda nusi ka kita ngapa, enti utai nya enda nyadi baka nya. Lalu udah aku kin nyendia endur ka kita, aku deka datai baru lalu mai kita ngagai aku, ngambi ka kita diau begulai enggau aku.” (John 14:1-3). Pedana meka ba John 17:24.

KOMITMEN AKU

Saritu aku mutus ka ati manggai ka penginein aku ngagai hal ti besangkut enggau serega, lalu ukai pekara ti ba dalam dunya tu. Diatu aku nemu pengidup aku ba dunya tu semina sementara aja,

nya alai aku deka idup enggau utai ti diterang ka ulih pemendar tu. Aku deka magi enggau orang bukai tentang berita manah besangkut paut enggau tempat diau ti meruan sereta manah nya, ti diberi ulih Jesus ngagai semua orang ti deka arap ka Iya.